



Inatsisartuni ilaasortaq  
Nivi Olsen, Demokraatit  
/Maani

**Illorsuit uterfigineqarnissaannut Naalakkersuisut isumaat tamaanilu qaqqami sisoortoqarsinnaaneraniq naliliineq pillugu § 37 tunngavigalugu apeqummut nr. 226-2018-imut akissut**

Brevdato: 12-09-2018  
Sagsnr.: 2018 - 17581  
Akt-id: 8629138

Asasara Nivi Olsen

Postboks 1614  
3900 Nuuk

Tlf. (+299) 34 50 00

Fax (+299) 34 54 10

E-mail: pan@nanoq.gl  
www.naalakkersuisut.gl

Illorsuit uterfigineqarnissaannut tamaanilu qaqqami sisoortoqarsinnaaneraniq naliliinermut tunngasunik ulloq 1. august 2018-imi Naalakkersuisunut apequteqarputit. Apeqqutit uannit akineqartussanngorlugit innersuunneqarsimapput.

**1. Naalakkersuisut Illorsuit uterfigineqarnissaat qanoq isumaqarfigaat?**

Upalungaarsimanissamut ataatsimiititaliarsuup politiillu nalilersuineriniq Naalakkersuisut malinnaapput, isummertoqarnissaannut taakku pitsaanerpaamik tunngavissimmata. Ulloq 17. juni 2017-imi pinngortitami ajunaarnersuarmit inuit sisamat ajunaarmata pingaarpoq assigusumik pisoqaqqinnginnissaa. Nunap sisoqinnissaa ilimanartorujussuuvoq. Kalaallit Nunaanni upalungaarsimanermut ataatsimiititaliap suliaqartutut naliliinerat taamaattumik tassaavoq Nuugaatsiaq Illorsuullu kiisalu kangerluup ilaa tassunga atasoq ulorianaateqartutut sulisigineqartariaqartut. Tamatuma malitsigisaanik Kalaallit Nunaanni upalungaarsimanermut ataatsimiititaliaq naliliivoq tunngavigisat pigineqartut tunngavigalugit innuttaasut Nuugaatsiamut Illorsuarnullu sulisigineqartut, taakkulu ulorianartut eqqaanni angalaartariaqanngitsut.

**2. Illorsuit uterfigineqarnissaat illersorneqarsinnaanersoq tigussaasumik nalilersinnaajumallugu misissuinerit suut Naalakkersuisut ingerlappaat aamma qaqugu taakku misissuinerit tamanut tusarliunneqarnissaat Naalakkersuisut naatsorsuutigaat?**

Karrat Kangerluanni pissutsit pillugit Naalakkersuisut Kalaallit Nunaanni upalungaarsimanermut ataatsimiititaliamit siunnersorneqartarput. Kalaallit Nunaanni upalungaarsimanermut ataatsimiititaliap suliatigut naliliisarneri Naalakkersuisut nittartagaasigut tamanit takuneqarsinnaapput. Naliliineq kingulleq atuuttorlu ulloq 1. juni 2018-imeersuuvoq. Qaqqami sisooratarsinnaasut ingerlaavartumik nakkutigineqarput, aamma qaqqami sisooratarsinnaasuni pissutsit allanngorpata upalungaarsimanikkut nutaamik nalilersuisoqassaaq. Maannakkut inissisimaneq tassaavoq qaqqani nunap sisoorataqquissinnaanerata "aarlerinartorujussuunera". Aarlerinartuusumi

ilisimaneqartumi qaqqat innartai sisooratarsinnaasut arlallit paasineqarsimapput. Ilaatigut qaammataasanit assit nunallu sajuppillatsinneranit paasissutissat iluaqutigalugit nunat sisooratarsinnaasut nakkutigineqarput.

### **3. Nunaqarfiup uterfigeqqinneqarsinnaaneranut Illorsuit eqqaanni nunap sisoorneri nutaat qanoq sunniuteqassappat?**

Danmarkimut Kalaallit Nunaannullu Nunap Sananeqaataanik Misissuisartut (GEUS) naliliipput nunap sisooratarsinnaasup ilaani allermi annikitsumik sisoortoqarsimasinnaasoq, sisooratarsinnaasulli annertunersaa suli nikissimangilaq. Annikitsaq nikissimasoq ima annertutigisumik nikissimangilaq imaanut nakkarsimalluni. Pissutsit suli taamaattumik tassaapput sisooratarsinnaasut suli annertullutik aarlerinarnerluinnarnerilu allangorsimanatik.

### **4. Naalakkersuisut suliamut tunngasunik allanik soqutiginaatilinnik tusarliussassaqqarpap?**

Karrat Kangerluanni qaqqami nunap sisoornissaa annertunerusoq tullituttoq qaqugu pissanersoq siumut oqaatigineqarsinnaanngilaq.

Apeqqummut allanik oqaaseqaatissaqanngilanga.

Inussiarnersumik inuulluaqqusillunga

Kim Kielsen